



UNIVERSITÄTS-
BIBLIOTHEK
PADERBORN

Collegium Universi Juris Canonici

Engel, Ludwig

Salisburgi, 1693

Tit. 1. De Summa Trinitate & Fide Catholica.

[urn:nbn:de:hbz:466:1-61596](#)

LIBER I.

DECRETALIUM.

TITULUS I.

De Summa Trinitate & Fide Catholicâ.

S U M M A R I A.

1. *Authoritas S. Scripturae & sensus Ecclesie de SS. Trinitate.*
2. *Pater cur prima persona?*
3. *Filiij Generatio duplex.*
4. *Filius quo sensu alibi à Spiritu Sancto, & alibi à tota Trinitate incarnatus dicatur?*
5. *Spiritus Sanctus vivificans, & ex Patre Filioque procedens.*
6. *Fides Catholicâ qua?*
7. *Verba Sacre Scripturae non applicanda ad vanas, scurrilia & impia.*
8. *Libri non imprimendi sine nomine authoris, & licentia Ordinarij.*
9. *Ad Professionem Fidei qui teneantur.*
10. *De obligatione exquisitioris hominis circa internam vel exteriā fideli confessionem, remissione.*
11. *Transiens per loca hereticorum cum periculis an possit in die ieiunij veseli carnibus?*

A Sanctissima TRINITATE, Fonte & origine omnis sapientiae, & justitiae, scientiam Juris Canonici, & titulos auspiciamus, atque à cuius divinissima gratia accepimus, ad Ejusdem honorem, & gloriam referimus, illius humillimè imploramus auxilium, illi consecramus labores.

Porrò Mysterium Sanctissimæ Trinitatis prolixius tradere, ad Theologiam speculativam pertinet; Ejus immunitatem capere, supra humani intellectus caliginem, & angustias est, neque in *ullius rei, quam hujus omnino altissime, ac difficillime notitia, ac explicatione* (ait Cathee. Roman. Pij V. c. 3.) aut periculosis versari, aut gravias errare persumus: qui enim scrutator est Majestatis, opprimetur à gloria. Proverb. 25. v. 27. Captivemus igitur intellectum nostrum in obsequium fidei, & credamus, Trinitatem unius, & individuae substantiae esse; idque ex Divino Evangelii Oratione Matth. 28. *Ite docete omnes gentes, baptizantes eos, in nomine Patris, & Filii, & Spiritus Sancti.* Joan. 10. Ego &

Pater unum sumus, juncto c. 16. *Omnia quaecunque habet Pater, mea sunt; propter ea dixi vobis, quia Spiritus veritatis de meo accipiet, & annuntiabit vobis.* Item Epistola I. Joan. c. 5. Tres sunt, qui testimonium dant in Cœlo, Pater, Verbum, & Spiritus sanctus, & hi tres unum sunt. Credamus, quod sancta Mater Ecclesia à Sancto Spiritu omnem veritatem edocita in Conc. Lateran. quod habetur in c. 1. hoc tit. confitetur, & declarat, hanc sanctissimam Trinitatem secundum communem essentiam individuum, & secundum personalites proprias distinctam esse. PATREM à nullo, FILIUM à PATRE genitum, & SPiritum SANCTUM ab utroque procedenter, consubstantiales, coæquales, coimpotentes, & coextenos, unum universorum visibilium, & invisibilium, corporalium, & spiritualium principium.

PATER prima persona dicitur, non quod in TRINITATE aliiquid majus aut minus, prius aut posterius tempore sit, sed quod ipse sit principium sine principio, FILIUM ab æterno generans.

B 3

FILI

FILII nativitas, seu generatio duplex est: una (circa quam nihil terrenum aut mortale cogitandum) secundum *Destatem*, quā ab ēterno, & ante omnia sēcula Deus de Deo ex PATER natus est ejusdem nature, potestatis & sapientiae cum PATER. Nativitatem istam licet portius sanctā fide credere, quā perfectē intelligere valeamus, *generationem enim ejus quis enarrabis?* *Esa.* 53. pro humana tamen capacitate aliqualiter adumbrare possumus per illam similitudinem, quā ab animi nostri cogitatione sumitur, ut enim mens nostra ē ipsam quodammodo intelligens sui effingit imaginem, quam Theologi *verbum mentis* appellant, ita Deus (quantum tamen divina humanis conferrī possunt) se ipsum intelligens *Verbum eternum* generat, & inde in Evangelio *Ioan.* 1. *Verbum fuisse apud Deum, & Deus Verbum, & Verbum incarnatum,* dicitur. Altera præterea Nativitas FILII est, quā propter nostram salutem de cœlo descendens, divinam ac humanam naturam conjungens, *incarnatus de Spiritu Sancto, & homo factus est.* Cū enim homines omnes in prævaricatione Ada innocentiam perdidissent, facili, ut Apoītolus *ad Ephes.* 2. v. 3. inquit, *naturā filii ire, sub potestate diaboli, & mortis, misit coelestis Pater misericordiarum Filium suum multis ante temporibus sanctis Patribus in veteri Testamento promissum ad hominum redēptionem, & viam vitæ ēternæ demonstrandam.*

4 Quod vero FILIUS in symbolo fidei tantum a Spiritu Sancto, & in dicto c. i. *Vocat̄ communiter à tota Trinitate* incarnatus dicatur, ita intelligendum est, quod licet omnes Divinæ TRINITATIS Personæ concurrerint secundum Christianæ fidei regulam: quod omnia, quæ Deus extra sē in rebus creatis agit, tribus personis communia sunt, neq; una viagis, quam alia, aut una

sine alia agat; sacra tamen literæ earum rerum, quæ omnibus tribus personis communes sunt, aliam aliis tribuere soleant, ut rerura omnium potestatem PATRI, sapientiam FILIO, amorem SPIRITUI SANCTO, & ideo cū Divine Incarnationis Mysterium immensum Dei erga nos amorem ostendat, hoc opus cooperante totâ TRINITATE factum, peculiaris amoris consideratione SPIRITU SANCTO adscribatur.

Tertia ergo in Trinitate Persona est SPIRITUS SANCTUS, ab inspirando, vel quod Spiritualem vitam (unde in symbolo fidei *vivificans* dicitur) in nos infundat, sic appellatus. Hunc Deum esse, atq; unius cum PATER & FILIO substantiæ, præter loca scripturarum superioriis allegata aperte probat illud *Act. 5. v. 3. Cur temavit Satanás cor tuum, menstri te SPIRITU SANCTO? non es mentitus hominibus, sed Deo.* Item c. ad *Corinsh.* 12. v. 6. ubi Apostolus divisiones, inquit, operationum sunt, idem vero Deus, qui operatur; & mox v. 11. subiungit; *hac autem omnis operatur unus atque idem SPIRITUS.* Præterea in Symbolo fidei SPIRITUM SANCTUM à PATER & FILIO procedentem credimus; quod iterum ex sacrificiis literis manifestum redditur, in quibus SPIRITUS SANCTUS interdum *Spiritus Patris* vocatur, interdum *Spiritus Christi*, & modò à PATER, modò à FILIO mitti dicitur *ad Galas. 4. junctio cap. Matth. 10. & cap. 15. Joan.*

Circa alteram partem Rubricæ, quæ de **6** *Fide Catholica* inscribitur, breviter adnotandum est, quod *Fides Catholica* dicatur, quam Ecclesia Catholica (id est, universalis) Romana, cuius caput est Romanus Pontifex, Vicarius Christi, & D. Petri successor, nobis proponit, et que teste D. Paulo *ad Hebr. 11. v. 1.* sperandarum substantiarum, argumentum non apparentium. Hæc continetur partim in Sacris Scripturis, sive

sive libris Biblicis : partim in Traditione & definitione Ecclesie : quænam verò Scriptura & libri Biblici haberi debeant pro Sacris, Canonicis & Authenticis, declaravit Concilium Tridentinum *seqq.* de *Canon.* *Scrip.* ubi etiam *in ead. seqq. in Decret.* *de edit.* & *usu Sac. lib.* severè prohibet sub poenâ juris, & arbitrarii per Ordinarios infligendis, ne quis publice aut privatum Sacram Scripturam contra communem Ecclesie sensum interpretari audeat, aut verba Sacra Scriptura ad scurrilia, fabulosa, vana, adulaciones, detractiones, superstitiones, impias & diabolicas incantationes, divinationes, fortes, libellos famulos &c. applicare vel usurpare præsumat.

⁷ Item ne quicunque libri sine nomine Authoris, atque approbatione Ordinarij, quæ in scriptis, & gratis detur, in principio, vel sine libri, apponenda imprimantur; Regulares verò ultra approbationem Ordinarij etiam licentiam suorum Superiorum impetrare teneantur.

⁸ Præterea ex Conc. Trid. *seqq.* de Ref. c. i. præfessionem fidei Catholicæ facere tenentur promoti ad Episcopatum. Atque *in ead. seqq.* 24. de Ref. cap. 12. statuitur, ut provisi de beneficio quibuscumque curam animarum habentibus à die adeptæ præfessionis ad minus intra duos menses in manibus Episcopi, vel, eo impedito, coram Generali ejus Vicario, seu Officiali orthodoxæ sue fidei publicam faciant præfessionem, & in Romane Ecclesiæ obedientia permanens röpondeant, ac jurent. Provisi autem de Canoniciis, & Di-gmitariis in Ecclesiæ Cathedralibus, non solum coram Episcopo, seu ejus Officiali, sed etiam in Capitulo idem facere teneantur: alioquin prædicti omnes provisi fructus non faciant suos, nec illis præfessio suffragetur.

Quibus Concilij Constitutionibus Pi-

us IV. in bullâ: *Injunctionum.* & Pius V. in bullâ: *In sacro sancta addidere, ut eadem fidei professio etiam fieret ab illis, qui de Monasteriis, Conventibus, domibus, & aliis quibuscumque bonis Regularibus, quorumcunque Ordinum etiam militarium, quo cumque nomine, vel titulo providerentur. Item ut ad hanc fidei professionem teneantur omnes Doctores, Magistri, Regentes, & alii cujuscumque artis & facultatis Professores, sive Clerici, sive Laici, vel cujuscumque ordinis Regulares sint, qui docere, vel promoveri voluerint, Declarat. Card. ad d. *seqq.* 25. Trid. c. i. Zyp. in Anal. h. t. n. 1.*

Qualiter verò & quando quilibet homo ¹⁰ vel Christianus obligetur ad internam, vel externam fidei confessionem? vid. D. Th. 2. 2. q. 1. & seqq. Sanch. lib. 2. Mor. c. 3. & seqq. Paul Laym. in Theol. Mor. lib. 2. tract. 1. c. 9. & seqq. ubi etiam cap. 11. docet, quod quanvis nullo casu licitum sit, externâ voce, aliove signo veram fidem negare, aut falsam profiteri, juxta illud Matth. 10. v. 33. *Qui negaverit me coram hominibus, negabo & ego eum coram Patre meo:* præceptum tamen de facienda positiva externa fidei confessione esse ex præceptis affirmativis, quæ regulariter obligant quidem semper, sed non ad semper: ideoque ex gravi causa, & imminenti periculo, ac ubi ex fidei præfessione nulla speratur securitas utilitas, sed magis perturbatio, licitum esse quandoque fidem tacere, & dissimulare. Atque n. 5. inter alia exempla ponit de transeunte cum periculo loca hereticorum, & de vescente carnis in die ¹¹ jejunii, si talis comestio ab ipso non petatur ex pressæ in contemptum fidei: alias enim comedere carnes actus indifferens est, & præceptum Ecclesiasticum abstinenti in die jejunii, tanquam humanum, non obligat cum tanto periculo. Cœtera quoque, que ad fidem

fidem Catholicam, & authoritatem Universalis Ecclesiae, Romanique Pontificis spectant, ad Theologiam & Controversias fidei, item ad alios Titulos juris Canonici, ubi de administratione Sacramentorum, de Majoritate & Obedientia, de Hæreticis &c. agemus, remittimus.

• • • • • TITULUS II.

De Constitutionibus.

§. I.

Quid, & quotuplex sit constitutio, ac quænam ejus causa?

SUMMARIA.

1. Quid & quotuplex Jus naturæ?
2. Quid & quotuplex Jus gentium?
3. Quid lex positiva?
4. De Lege Divina.
5. Leges Veteris Testamenti: quales, & an etiam homines obligent?
6. De Lege Divisa Novi Testamenti, & Epistolis Apostolorum.
7. Quid Lex humana positiva & quotuplex?
8. De conditionibus, & causis legum humanarum.

Constitutio, à constituendo, sive statuendo dicta, in sensu ordinario solum legem positivam & scriptam denotat, & non nisi valde impropiè *Jus naturæ*, vel *Consuetudo* constitutio diceretur. Est enim *Jus naturæ*, inquit Isid. in c. 7. dist. 1. commune omnium nationum, ex instinctu naturæ, non constitutione aliqua procedens. Et *Consuetudo*, quæ non de statuto, sed moribus solum tracta est. c. 4. c. dist. 1. Quia vero in constitutionibus frequens *Juris naturalis* mentio fit, & pleraque leges, ac constitutiones in Jure naturæ fundatum aliquod habent, ideo prænotare oportet, hoc *Jus Naturæ* divid solere in *Primerum & Secundarium*. *Primerum*, sive materialiter sumptum est, quod na-

tura omnia etiam bruta animantia docuit, ut maris & foeminae conjunctionem, proliis educationem, contra violentiam defensionem &c. *Secundarium* autem, quod à ratione dependet, & hominibus proprium est, uti sunt liberorum hereditaria saltē in legitima successio, pactorum & contractuum observatio, alieni ius iusti damni evitatio. Unde non ineptè Gratianus in *princ. dist. 1.* summan juris naturalis in illo Evangelij præcepto *Matt. 7. v. 12.* contineri aferit, quo quisque jubetur alii facere, quod sibi vult fieri, & prohibetur alii inferre, quod sibi nolit fieri. Dummodo ea interpretatio adhibeat, ut illa voluntas, quâ sibi quis vult aliquid fieri, vel non fieri, sit secundum rectam rationem, & circa talentrem, in qua quis, si casum in propriâ suâ persona fingere, debitum iustitiae agnoscere; non vero ex inordinato affectu, vel habendi cupiditate. E. g. debeo Titio centum ex mutuo, quod ille, quia nullum habet à me chygraphum, probare non potest, cogito, an teneat solvere? Invertam casum, & ponam Titum mihi debere mutuum, quod probare nequeam, mox dictabit naturæ instinctus, quid vellem mihi fieri, quod justum & æquum sit, ergo idem in eodem casu, & iisdem circumstantiis faciam alteri &c. Aliud est, si cuperem à Titio mihi donari centum, non ego propterea teneor Titio donare centum, quia haec voluntas circa alterius bona cum damno ejus, vel non est secundum rectam rationem, vel per se clare constat, quod non habeat materiam debiti & obligacionis. Unde etiam Lex naturalis apud Theologos recta hominis conscientia & participatione quadam Legis eterne in creatura rationali convenienter appellatur.

Porro *Jus naturale secundarium* etiam *Jus gentium* vocatur, quod omnibus gentibus inditum sit. Hinc in Jure obligaciones

ex